

STATUT

✻ LIBER PRIMVS ✻

STATVTORVM INCLYTAE

CIVITATIS MUTINAE.

DE OFFICIIS.

¶ Quorum industria edita fuerint Statuta. RVB. I.



**P**LVRES quotidie (vt rerum vsu docemur) incidunt casus, quibus, nec ipsa natura rerum magistra, nec leges prouiderunt, & iccirco oportet Legislatores alias denuo condere leges, alias vero corrigere, & emēdare, quibus eiusmodi casibus consulatur: antiquitas vero, quæ casus hosce prospicere non potuit, minime vituperanda est. Quæ enim leges tam perfectæ sunt, quæ casus adeo uarios complecti potuerint, aut denique tam rectæ, & sanctæ, quæ aliquando correctione, atque innouatione non egeant? Non immeritò igitur Conseruatores nobilissimi huius celeberrimæ vrbis, qui illo tempore remp. Mutinensem administra bant, decreuerunt, & prorsus deliberarunt vnà cum Egregiis Adiunctis leges alias denuo condere, & eas, quibus vsque in hodiernū diem vsi sunt, mutare, & corrigere, vt eorum ciuitas perpetua in pace esse possit, & vt si forte aliqua controuersia inter ciues oriretur, ea quam primum dirimatur, ac tollatur, si ne vllò, vel quam minimo labore, & negotio eorum, qui remp. administrabūt. Quæ res maximo erit honori, & laudi ciuitati huic, mirumque in modum augebit imperium atque ditionem Serenissimi Herculis Estensis eius nominis Secundi, & Ducis Ferrariæ, & huiusce Ciuitatis Mutinæ, & Regii IIII. Potestas autem hæc denuo scilicet condendi leges, seu Statuta, nec non corrigendi, & mutandi ea, quæ Ciuitas ipsa adhuc obseruauit, ab ipsis Conseruatoribus data est Dño Ludouico Bellęcino iuris vtriusque Doctori, & Equiti. Dño Ioanni Castelitreo iuris vtriusque Doctori, & Equiti. Dño Alphonso Sadoleto iuris vtriusque Doctori, & Equiti, Dño Io. Baptistæ caput Bouis iuris vtriusque Doctori, duobusque doctissimis Causidicis, Domino Dino Zézano, & Dño Philippo Vignolæ, nec non duobus egregiis notariis, Dño Antonio Tassono, & Dño Io. Francisco Fontanæ. Qui viri doctrina, & rerum experientia valde præditi, & si negotium suis viribus impar esse ducerent, freti tamen fauore Dei Opt. maximi, & Iesu Christi seruatoris nostri, & Spiritus sancti, nec non Mariæ virginis, & omnium Sanctorum precibus, & præsertim Diui Geminiani antistitis huius ciuitatis dictorum Conseruatorum honestissimæ voluntati libentissime obtemperarunt, atque pro communi omnium quiete, & tranquillitate tantum onus subire, ac suscipere voluerunt. Itaque antedicti Magnifici Doctores, cæterique viri Egregii vnà, atque vnū in locū quam sæpissime congregati, lectis accuratè satis multis huiusce, & aliarum nonnul-



cedantur a DD. iudicantibus in consilio generali hæredibus, si extabunt sin minus sufficientibus viris de agnatione defuncti, vel præsentandis ab hæredibus, casu quo ipsi hæredes non essent habiles, vel ab hominibus de agnatione nullis hæredibus existentibus firmo manente dicto statuto in reliquis suis partibus.

Circa statutum Notariorum, de documentis per alium exemplandis Rubrica XIII. addatur quod (ex quo ordinatum est instrumenta, & scripturas publicas, datas per Notarium rogatum de illis, alij Notario ad exemplum. per vtrūq; Notarium subscribi, & authenticari debere). Si qua tamen hucusq; facta, inuenientur, quæ sint subscripta solummodo Notarij manu de eis rogati permanent, & nullo præiudicio suam firmitatem, & robur obtineant id quod habeat locum in præteritis.

Miserabiles personæ pro Instrumentis, & scripturis suis quibuscunq; pro eis factis, vel ipsis necessarijs soluant Notario de eis rogato, mercedem, qualem, & quantam iudicabit D. Potestas Mutinæ sufficere, qui etiam iudicabit, nunquid tales personæ sint miserabiles, nec ne, & eius iudicio stabitur omnino.

Et prædicta omnia sic taxata, reformata, & ordine suo digesta, volumus inuiolabiliter, & indistincte obseruari, & perpetuum robur obtinere firmis semper remanentibus, reliquis omnibus statutis nouis ipsius Collegij æditis anno M.D.XLVIII. die XV. Decembris, sed cassatis, & annullatis penitus omnibus, & singulis statutis, & maxime omnibus statutis tam specialibus, quam generalibus, & prouisionibus, & constitutionibus hucusq; factis quomodolibet in quantum sint contraria præsentibus reformationibus nostris, & omni consuetudine antiqua, vel noua qualitercunq; obstante penitus sublata.

Ulterius mandamus prædicta omnia statuta, & prouisiones Collegij Notariorum, quæ non fuerint correctæ registrari debere in præsentivolumine statuti, & reformationum, cum additionibus, & moderamine de quibus supra.

F I N I S, Laus Deo.



M V T I N A E.

Apud Paulum Gadaldinum. M. D. XC.



21326